

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 13. tačka c. Zakona o pripadnosti javnih prihoda u Federaciji Bosne i Hercegovine („Službene novine Federacije Bosne i Hercegovine“, broj: 22/06, 43/08 i 22/09), člana 2. Zakona o kantonalnim administrativnim taksama i tarifi kantonalnih administrativnih taksi („Službene novine TK“, broj 12/97, 14/02 i 7/03) i člana 24. i 108. Statuta Grada Živinice („Službeni glasnik Grada Živinice“, broj: 5/19 i 9/21), na sjednici održanoj dana 28.04.2022. godine, Gradsko vijeće, d o n o s i:

**ODLUKU O IZMJENI I DOPUNI ODLUKE
O GRADSKIM ADMINISTRATIVNIM TAKSAMA**

Član 1.

U članu 14. Odluke o Gradskim administrativnim taksama („Službeni glasnik Grada Živinice“ broj 4/20) kod opštih oslobođanja iza stava 16. dodaje se stav 17. koji glasi: „Individualni poljoprivredni proizvođači, fizičko ili pravno lice sa područja Grada Živinice, prilikom podnošenja zahtjeva za ostvarivanjem prava na novčanu podršku u primarnoj poljoprivrednoj proizvodnji (podsticaj) u 2022. godini koji se finansiraju od strane Grada Živinice oslobođaju su plaćanja gradskih administrativnih taksi“. Član 2. Odluka o izmjeni i dopuni odluke o Gradskim administrativnim taksama stupa na snagu danom donošenja, objavit će se u službenom glasniku Grada Živinice i primjenjuje se zaključno sa 31.12.2022. godinu.

Član 3.

Ostale odredbe Odluke o Gradskim administrativnim taksama („Službeni glasnik Grada Živinice“ broj 4/20) ostaju iste.

O b r a z l o ž e n j e

Odluka o Gradskim administrativnim taksama je usvojena od strane Gradskog vijeća Živinice i objavljena u Službenom glasniku Grada Živinice broj 4/2020.

Članom 14. stav 13. navedene odluke je bilo definisano da su „Individualni poljoprivredni proizvođači-fizička lica prilikom podnošenja zahtjeva za ostvarivanjem prava na novčanu podršku u primarnoj poljoprivrednoj proizvodnji (podsticaj) u iznosu od 50%“ oslobođeni općih plaćanja.

Obzirom na novonastalu situaciju kako u svijetu, tako i u Bosni i Hercegovini izazvano ratom u Ukrajini, kao i svim poskupljenjima, na zahtjev poljoprivrednih proizvođača da bi im se olakšalo da apliciraju na javne pozive koje će raspisati Grad Živinice, Gradsko vijeće donosi odluku o izmjeni i dopuni odluke o Gradskim administrativnim taksama kojim će se osloboditi plaćanja definisanih Odlukom o gradskim administrativnim taksama („Službeni glasnik Grada Živinice“ broj 4/20). Navedena odluka će se primjenjivati samo za budžetsku 2022. godinu za sve individualne poljoprivredne proizvođače-fizičko ili pravno lice prilikom podnošenja zahtjeva za ostvarivanjem prava na novčanu podršku u primarnoj poljoprivrednoj proizvodnji (podsticaj) u 2022. godini.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
GRADSKO VIJEĆE
Broj , 06-04-3110/2022

PREDSJEDAVALAČI
GRADSKOG VIJEĆA
mr.sc. Nail Jusić